

per persunas d'instrucziun, mainascolas, cussegls da scola

Nr. 6 2021/22

Part generala

Scolaziun d'uffants fugids da l'Ucraina

En ils chantuns e las vischnancas vegnan fatgas preparaziuns intensivass per prender si uffants e giuvenils pertutgads en il sistem da scolaziun svizzer. Per declerar il sistem da furnaziun svizzer a fugitivs da l'Ucraina èn vegnidas transladas in ucranais e russ la grafica da la CDEP sco era las graficas da las structurass chantunalas.

[Ulteriuras infurmaziuns e translaziuns](#)



IPPI: Introducziun professionala per persunas d'instrucziun

En il chantun Grischun vegnan dapi in pèr onns persunas d'instrucziun sustegnidas tar lur entschatta da la vita professionala da la scola, dal district e dal chantun. Las purschidas sa drizzan a persunas durant il prim onn da servetsch, a persunas che èn stadas absentas durant minimalmain tschintg onns u a persunas senza scolaziun dal stgalim durant il prim onn. Durant l'onn da scola 2021/22 han prendì part en tut 115 persunas vi dal project IPPI. Il project vegn evaluà annualmain. Ina gronda part dals participads resp. da las participadas vesa il project sco nizzaivel e fitg sustegnend. Las occurrenzass da partenza per il project IPPI 2022/23 han lieu en ils districts da l'inspecturat durant l'ultima emna da las vacanzas da stad (vasair par regiunala).

[Introducziun professionala per persunas d'instrucziun \(IPPI\)](#)



Barat da lingua

Il barat da lingua tranter las cuminanzas da lingua è per il

chantun Grischun fitg impurtant. Perquai sustegna il chantun barats da lingua tranter classas cun in import da 90 francs per di e scolar/-a. Sin la pagina d'internet da l'uffizi datti ina collecziun da divers documents ed ideas per organisar barats da lingua.

[Infurmaziuns ed ideas tar il barat da lingua](#)



Plattafurma per lavurs d'approfondaziun

Al Festival 2022 pon scolaras e scolars da la 3. classa sec I preschentar lur lavurs d'approfondaziun ad in public pli grond. Las preschentaziuns dals projects han lieu als 23 zercladur 2022 a Kreuzlingen e simultan en furma digitala. Tut il program vegn transmess via stream. Persunas d'instrucziun pon sa barattar ora en occurrenzass d'impuls online durant maximalmain duas uras tar dumondas da l'instrucziun da project, sco p.ex. accompagnament e coaching, validaziun u novass metodass per chattar ideas.

[Ulteriuras infurmaziuns](#)



Il terren è d'impurtanza vitala

Il terren è nossa basa da vita: el dat alloschi a bleras creatiras, regulescha il clima, accumullescha aua ed è la basa per nossa producziun da nutriment. Nus associain il terren er cun nossas ragischs, in ferm simbol d'identitad. I dat damai blers motifs per ir cun ils scolars e las scolaras sin tschertga e per perscrutar quest spazis da vita nun-enconuscent. In dossier tematic, in video explicativ e la revista "ventuno" porschan materials d'instrucziun tar il tema terren.

[Furnaziun per in svilup persistent: il terren](#)



Furmaziun per in svilup persistent (FSP)

"Education 21" sustegna finanzialmain il svilup da projects innovativs en scola. Il sustegn è previs en prima lingua per projects persistents ed innovativs, che sa drizzan sin il svilup da la scola u l'instrucziun e che na pon betg vegnir realisads senza sustegn supplementar da realisaziun u finanziar. Tut ils stgalims da scola dastgan dumandar sustegn. Las scolass interessadas duain inoltrar lur projects fin als 31 october 2022.

Infurmaziuns "Inoltraziun da projects innovativs FSP" 

Centers didactics regionals SAP SG

La Scol'auta da pedagogia da Son Gagl (SAP SG) maina tranter auter a Sargans e Rohrschach centers didactics regionals (CDR). Ina cunvegna tranter la SAP SG ed il chantun Grischun pussibilitescha er a persunas d'instrucziun dal Grischun dad utilisar quests centers didactics. Il servetsch cuntegna: l'utilisaziun individuala da las purschidas dals CDR a Sargans e Rohrschach; cussegliaziun per persunas d'instrucziun e gruppas al lieu durant las uras d'avertura; surveglianza da classas tar l'utilisaziun dals arranschaments d'emprender; introducziun per teams da scola en arranschaments d'emprender; emprest da chistas d'emprender; participaziun per persunas d'instrucziun vi da cuors da perfecziunament dal CDR.

CDR Sargans 

CDR Rorschach 

Purschida da furmaziun e cussegliaziun Adebar

Adebar promova la sanadad sexuala da populaziun grischuna cun sia purschida da furmaziun e cussegliaziun. Il post spezialisà vala sco fitg cumpetent tar dumondas da la sanadad sexuala e la planisaziun da famiglia. L'educaziun sexuala en scola è ina impurtanta pitga en la cussegliaziun. Ina pedagogia sexuala che sa repeta mintg'onn e che è adequata a la vegliadetgna dals uffants gida tar la prevenziun persistenta da violenza sexuala. Vinavant porscha Adebar scolaziuns per persunas d'instrucziun e geniturs tar ils temas svilup psicosexual, educaziun sexuala ed ir enturn cun sexualitad en las medias.

Adebar, post spezialisà per sanadas sexuala 

La frastga verda – in project per la natira

Cursa finala! Als 31 matg 2022 scada il termin d'annunzia per la frastga verda. La frastga verda premiescha projects d'uffants, giuvenils e giuvens creschids tar il tema ambient e natira. I vala: pli innovativ il project, pli grondas las schanzas. Essas Vus al cumenzament d'in project cun vossa classa u vais vus gista fini in? Na laschai betg passar questa schanza unica ed inoltra Voss project fin la fin da matg. I stattan a disposiziun indemniziuns da totalmain 7'000 francs.

Ulteriuras infurmaziuns ed inoltraziun dal project 

Register dals meds d'instrucziun 2022/23

La regenza publitgescha mintg'onn il register dals meds d'instrucziun. Là sa chattan d'ina vart ils meds d'instrucziun obligatorics, da l'autra vart ils meds d'instrucziun recumandads ed ulteriurs avis.

Register dals meds d'instrucziun 2022/23 

Cordials salids

Andrea Caviezel

Part regionala

Occurrenza da barat ELT

L'occurrenza da barat per persunas pertutgadas e mainascolass ha lieu marcurdi, 8 zercladur da las 14:00 fin las 17:00 en l'aula da la chasa da scola Dorf a Tusaun. I suonda anc in invit persunal per mail.

Occurrenza per cussegls da scola

L'occurrenza regionala per presidis da scola e per ulteriurs commembers da cussegls da scola ha lieu gievgia, 9 zercladur 2022 a las 19:30 en l'aula da la chasa da Giacometti a Cuira.

IPPI

L'occurrenza da partenza en l'introducziun professiunala per persunas d'instrucziun ha lieu da nov l'ultim marcurdi avantmezdi da l'ultima emna da las vacanzas da stad, quai vul dir: marcurdi, 10 avust 2022 da las 08:30 fin 12:00 en l'aula da la scola Giacometti a Cuira.

Nus supplitgain als / a las mainascolass dad avisar quest termin a persunas che n'èn anc betg annunziadas a l'inspecturat.

Per las emnas che restan giavischain nus a tuts in bun sprint final e tut il bun.

Inspecturat da scola Plessur-Grischun central
Christina Nigg (manadra), Jachen Andri Buchli, Elisabeth Caluori (secretariat), Philipp Hugentobler, Daniela Zanelli.

